

全五代詩

卷之四

金瓶梅

全五代詩卷十八

羅江李調元雨村編

吳

後主楊溥

後主溥楊行密第四子僭位十六年李昇篡

十國春秋齊主使徙帝居丹楊湖命馬思謙爲丹陽宮使以嚴闕衛之楊溥渡江賦詩云冬十月辛丑是日有使命來徙所帝方賜佛書于樓上使者趨前帝以香爐擲之俄而報晏駕矣讓皇闕二數年未卒每有枯楊生枝葉及五歲有中使賜衫笏加官卽日而終江表志讓皇居泰州永甯官嘗賦詩自歎

渡江

江南江北舊家鄉二十年來夢一場吳苑宮闈今冷落
廣陵臺榭亦荒涼烟迷遠岫愁千點雨打孤舟淚
萬行兄第四人三百口不堪回首細思量

殷文圭

文圭池州人居九華苦學所用墨池底爲之
穴唐末詞場請託公行文圭與遊恭獨步場
屋乾甯中及第爲裴樞宣諭判官後事楊行
密拜翰林學士終左千牛衛將軍有登龍集
唐摭言乾甯中駕幸三峯殷文圭者攜梁王
表薦及第仍列于榜內時楊令公行密鎮維
揚奄有宣浙楊汴榛梗久矣文圭家池州之
青陽辭親間道至行在無何隨勝爲吏部侍

郎裴樞宣諭判官至大梁以身事叩梁王王
乃上表薦之圭復擬飾非遍投啟事于公卿
間畧曰於菟獵食非求尺璧之珍鷗鷖避風
不望洪鍾之樂旣擢第由宋汴馳聞俄爲多
言者所發梁王大怒亟遣追捕已不及矣然
是屢言闕大率皆負心常以文圭爲證白馬
之誅靡不由此也南唐近事李德誠加司
空守臨川文圭草麻德誠濡筆之賂不時至
文圭以詩督之云紫殿西頭月欲斜曾草臨
川上相麻潤筆已曾關奏謝更飛章句問張
華

八月十五夜

萬里無雲鏡九州最團圓夜是中秋滿衣冰彩拂不
落遍地水光凝欲流華嶽影寒清露掌海門風急白
潮頭因君照我丹心事減得愁人一夕愁

至正外記 卷十八
二
省試夜投獻座主

開開公道選時英神鏡高懸鑒百靈混沌分來融間
氣機槍滅處炫文星燭然蘭省三條白山東龍門萬
仞青聖教中興周禮在不勞干羽舞門庭

觀賀皇太子冊命

嗣冊儲皇帝命行萬方臣妾躍歡聲鸞旆冉立星辰
正雉扇雙開日月明自有漢元爭翊戴不勞商皓定
欽傾春官保傅皆周召致主何憂不太平

賀同年第三人劉先輩鹹辟命

甲門才子鼎科人拂地藍衫榜下新脫俗文章笑鸚

關凌雲頭角壓麒麟金壺藉草溪亭晚玉勒穿花野
寺春多媿受恩同闕里不嫌師僻與顏貧

寄廣南劉僕射

戰國從今却尙文品流才子作將軍畫船清宴闕二
粉閣閑吟瘴嶠雲暴客御戈歸惠政史官調筆待
儒勲漢儀一化南人後牧馬無因更夜聞

經李翰林墓

詩中日月酒中仙平地雄飛上九天身謫蓬萊金籍
外寶裝方丈玉堂前虎靴醉索將軍脫鴻筆悲無令
子傳十字遺碑三尺墓只應吟客弔秋煙

題吳中陸龜蒙山齋

萬卷圖書千戶貴十洲煙景四時和
花心露洗猩猩血水面風披琴瑟羅
莊叟靜眠清夢永客兒芳意小詩多
天麟不觸人間網擬把公卿換得麼

邊將別

地角天涯倍苦辛十年鉛槧未酬身
朱門泣別同鮫客紫塞旅游隨鴈臣
漢將出師衝曉雪胡兒奔馬撲征塵
行行獨止干戈域毳帳望誰爲主人

江南秋日

水國由來稱道情野人經此頓神清
一逢秋雨睡起

起半硯冷雲吟未成青笠漁兒筒釣沒蒨衣菱女畫
撈輕冰綃寫上江南景寄與金鑾馬長卿

覽陸龜蒙舊集

先生文價沸三吳白雪千編酒一壺吟去星辰筆下
動醉來嵩華眼中無峭如謝檜虬蟠活清似緱山鳳
路孤身後獨遺封禪草何人尋得佐鴻圖

趙侍郎看紅白牡丹因寄楊狀頭贊圖

遲開都爲讓羣芳貴地栽成對玉堂紅豔裊煙疑欲
語素華映月只聞香翦裁偏得東風意淡薄似矜西
子粧雅稱花中爲首冠年年長占斷春光

初秋留別越中幕客

魂夢飄零落葉洲
北轅南柂幾時休
月中青桂漸看老
星畔白榆還報秋
鶴禁有知須強進
嵇峯無事莫相留
吳花越柳饒君醉
直待功成始舉頭

贈戰將

綠沈槍利雪峯尖
犀甲軍裝稱紫髯
威懾萬人長凜凜
禮延羣客每謙謙
陣前戰馬黃金勒
架上兵書白玉籤
不爲已爲儒弟子
好依門下學韜鈴

九華賀雨吟

陶公焦思念生靈
變旱爲豐合杳冥
雷劈老松疑虎

怒雨衝陰洞覺龍腥萬畦香稻蓬葱綠九朵奇峰撲
亞青吟賀西成饒旅興散絲飛灑滿長亭

贈池州張太守

神珠無類玉無瑕七葉簪貂漢相家陣面奔星破犀
象筆頭飛電躍龍蛇絳幃夜坐窮三史紅旆春行到
九華只怕池人留不住別遷征鎮擁高牙

寄賀杜荀鶴及第

一戰平疇五字勞畫歸鄉去錦爲袍大鵬出海翎猶
溫駿馬辭天氣正豪九子舊山增秀絕二南新格變
風騷由來稽古符公道平地丹梯甲乙高

鸚鵡

丹觜如簧翠羽輕隨人呼物旋知名金籠夜黯山西
夢玉枕曉憎簾外聲才子愛奇吟不足美人憐爾繡
初成應緣是我邯鄲客相顧咬咬別有情

題友人庭竹

叢篁蕭瑟拂清陰貴地栽成碧玉林盡待花開添鳳
食可憐風擊狀龍吟鈿竿離立霜文靜錦籜飄零粉
節深何事子猷偏寄賞此君心似古人心

玉仙道中

葺鱸方美別吳江筆陣詩魔兩未降山勢北蟠龍偃

蹇泉聲東漱玉琤琮古陂孤兔穿蠻塚破寺荆榛擁
佛幢信馬冷吟迷路處隔溪烟雨吠村厖

題胡州太學邱光庭博士幽居

舜軌堯文混九垓明堂宏博集良材江邊雲臥如龍
穩天外泥書遣鶴來五夜藥苗滋沆瀣四時花影蔭
莓苔草元門似山中靜不是公卿到不開

中秋自宛陵寄池陽太守

出山三見月如眉蝶夢終宵遶戟枝旅客思歸鴻去
日賢侯行化子來時郡樓遐想劉琨嘯相閣方窺謝
傳棊按部况聞秋稼熟馬前迎拜美并兒

全唐詩卷一
和友人送衡尙赴池陽副車

淮王上將例分憂
玉帳參承半列侯
次第選材如創
厦別離排宴向藏舟
鵬鵬變化知難測
龍螭升沈各有由
蹀躞行牽金鏤重
嬋娟立唱翠娥愁
築頭勲業
諸三陣滿腹詩書究
九流金海珠韜乘月讀
肉芝牙
茗撥雲收赤鱗
旆卷鷗汀晚青雀
船橫鴈陣秋十字
細波澄鏡面
九華殘雪露峰頭
醉沈北海千尊酒
吟
上南荆百尺樓
况是昭明食魚郡
不妨閑擲釣璜鈎

孫魴

魴字伯魚南昌人從儼爲詩頗得鄭體事吳

吳爲宗正郎與沈彬李建勳友善集三卷

唐南

書金山寺號爲勝景張祜吟詩有僧歸夜船
月龍出曉堂雲之句自後詩人閣筆魴復吟
詩云云時號絕唱馬書三四作樓臺懸倒影
鐘磬隔高座七入作誰言題永處流響更無
人茗溪魚隱張祜詩云一宿金山頂微茫
水國分僧歸夜船月龍出曉堂雲樹影中流
見鍾聲兩岸聞因悲在朝市終日醉醺醺祜
詩全篇皆好魴詩不及之有疵病如驚濤濺
佛身之句則金山寺何其低而且小哉誰言
張處士二句乃有矜御如此尤可強鄙也
全唐詩話金山居大江中迥然孤秀詩意難
盡羅隱云老僧齋罷關門睡不管波濤四面
生孫生句云結字孤峯上安禪巨浪間馬
書本傳魴從鄭谷游吟詩頗有鄭體與沈彬
李建勳爲詩社彬好評詩建勳常與彬議時
魴不在席以魴詩詰之彬曰此非有風雅製
度但得人間烟火氣多爾魴遠出讓彬曰非
有風雅固然而謂得人間烟火氣何卽彬笑

曰子夜坐句云割多灰雜蒼虬跡坐久烟銷
實鴨香非塵上作而何園座大笑吟齋雜
錄鮑春日途中詩云遊子未歸去野花愁破
心金山詩云分開潮海浪留住過江雲皆佳
句

甘露寺

寒暄皆有景孤絕畫難形地拱千尋嶮天垂四面青
晝燈籠鴈塔夜磬徹漁汀最愛僧房好波光滿戶庭
題金仙寺

山載江心寺魚龍是四鄰樓臺懸倒影鍾磬隔羣塵

一作萬古渡心寺金山名目過櫓妨僧定驚濤滅佛

身誰言張處士題後更無人

廬山瀑布

有山來便有萬大落雲端霧噴千巖溫雷傾九夏寒
圖中僧寫去湖上客迴看却羨爲猿鶴飛鳴近碧湍
牡丹

意態天生異轉看着轉新百花休放豔三月始爲春
蝶死難離檻鶯狂不避人其如豪貴地清醒復何因

柳絮

年年三月裏隨處自悠揚雨過渾疑盡風來特地狂
入花峰有礙遮水燕無妨苦是添離思青門道路長

芳草